

652

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 11. stav (3) Pravilnika o akreditaciji visokoškolskih ustanova i studijskih programa („Službene novine HNK“, broj:4/14), Vlada Hercegovačko-neretvanskog kantona je na 71. sjednici, održanoj 4.11.2014. godine, donijela

O D L U K U

O TROŠKOVIMA PROVOĐENJA POSTUPKA INSTITUCIONALNE AKREDITACIJE I AKREDITACIJE STUDIJSKIH PROGRAMA

I

Utvrđuju se troškovi provođenja postupka akreditacije na visokoškolskim ustanovama na području Hercegovačko-neretvanskog kantona, kako slijedi:

- provođenje postupka institucionalne akreditacije visokoškolske ustanove kao univerziteta/sveučilišta u čijem sastavu se nalazi deset i više organizacionih jedinica iznosi 20.000,00 KM (dvadeset hiljada KM),
- provođenje postupka institucionalne akreditacije visokoškolske ustanove kao univerziteta/sveučilišta u čijem sastavu se nalazi manje od deset organizacionih jedinica iznosi 15.000,00 KM (petnaest hiljada KM),
- provođenje postupka institucionalne akreditacije visokoškolske ustanove kao visoke škole iznosi 15.000,00 KM (petnaest hiljada KM),
- provođenje postupka akreditacije studijskog programa iznosi 10.000,00 KM (deset hiljada KM),
- provođenje postupka programske akreditacije integrisanog studijskog programa I. i II. ciklusa studija iznosi 13.000,00 KM (trinaest hiljada KM).

II

Sredstva iz tačke I. ove Odluke namijenjena su za isplatu naknada za rad predsjednika i članova Komisije stručnjaka i ostale troškove koji nastanu tokom provođenja postupka akreditacije.

Naknade za rad predsjednika i članova Komisije stručnjaka utvrđuju se u postotnom iznosu od visine naknade uplaćene za provođenje postupka akreditacije i to:

- neto naknada za obavljanje poslova predsjednika Komisije u visini od 10% uplaćenog iznosa,
- neto naknada za obavljanje poslova člana Komisije u visini od 7,5% uplaćenog iznosa,
- naknada za obavljanje poslova sekretara Komisije iznosi dodatnih 20% na iznos utvrđen kao naknada za obavljanje poslova člana Komisije.

U ostale troškove rada Komisije stručnjaka spadaju: putni troškovi, troškovi smještaja, te drugi troškovi, kojime se omogućava nesmetan rad Komisije.

Isplata se vrši po nalogu ministra obrazovanja, nauke, kulture i sporta HNK, a na osnovu sklopljenih ugovora.

III

Sredstva za provođenje postupka akreditacije uplaćuju se na depozitni račun Hercegovačko-neretvanskog kantona kod UniCredit banke Mostar, broj: 3380002200005953, vrsta prihoda 722 612- prihodi kod pružanja usluga pravnim licima, s obaveznom naznakom budžetske organizacije 17010001 i šifre općine: 180 (Mostar).

IV

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-1-02-2025/14
Mostar, 4.11.2014. godine

P R E D S J E D N I K
Denis Lasić, s.r.